



聖濟總錄

六十八

庫文閣內	
三〇九	架
內閣文庫	
番號	漢12609
冊數	200 (72)
函號	300 212





大學東
校典籍
局之印



大德重校聖濟總錄卷第六十八

吐血門

吐血

吐血不止



總錄六十八

大德事外聖齋戒論卷六十八

吐血

吐血不止

吐血門



吐血統論

論曰古人論吐血有三一曰內衄二曰肺疽三曰傷胃
內衄者近從心肺間津液出還流入胃色如豆汁凝留
胃中滿悶卽吐如衄血狀是也肺疽者飲酒滿悶卽吐
血從吐出少或一合多至一升是也傷胃者食飲過度
胃冷不化煩悶強嘔食物與氣俱上衝蹙胃脘因致傷
損吐血鮮赤是也三者證雖不同要之皆由大虛損及
飲酒勞傷所致巢元方曰肺者五臟上蓋也心肝又俱
主血上焦有邪則傷諸藏藏傷血下入於胃胃得血則
悶滿氣逆氣逆故吐血也孫思邈又曰吐血之後體中

但自掩掩然心中不悶者輒自愈凡是之類學者宜審

論曰吐血病有三種一則緣心肺蘊熱血得熱則妄行

下流入胃胃受之則滿悶氣道貫衝故令吐血二則虛

勞之人心肺內傷恚怒氣逆肝不能藏血投虛而出因

怒氣逆甚則嘔血三者緣酒食飽甚胃間不安或強吐

之氣脉奔亂損傷心胃血隨食出此名傷胃各隨證以

治之

治吐血羚羊角湯方

羚羊角兩 伏龍肝兩 熟艾兩

治吐血羚羊角湯方

治吐血

地榆去土 牛膝去苗酒 牡丹去心各

芍藥兩 阿膠炒令燥 栢葉炙

天薊根各 雞蘇葉壹 鱗蛸慢火炙

右一十二味麤擣篩每服三錢匕水一盞入生薑半

分拍碎同煎至七分去滓溫服

治吐血乾地黄湯方

生乾地黄焙 伏龍肝兩 芎藭兩

當歸酒浸切 桂去麤 赤芍藥

白芷 乾薑炮裂各 細辛去苗葉

甘草炙 吳茱萸湯浸去涎大豆同

右一寸一味麤搗篩每服三錢七水酒各半盡同煎
至七分去滓溫服空心食前服

治肺損吐血嗽血通聖散方

金星石

銀星石

太陰玄精石

雲母

陽起石

不灰木

右六味等分以甘鍋子一枚先入羅過紫冬灰水牛糞是
也可厚一二寸鋪藥一重以灰一二寸築令實又鋪
藥一重准前以灰蓋後鋪藥盡為度上下以灰封蓋
以泥固濟不限藥多少皆用炭一秤於靜室中周密
不通風處火煨一日一夜候冷取於淨地掘一坑子

深一尺許埋鍋子一宿取出先揀出藥塊子餘以麤
羅羅去灰取藥碾為末更入乳鉢研令極細即入罐
子內收之每藥末一兩入龍腦麝香各半錢阿膠一
分炒同研入前件藥末一兩內合和令勻每服一錢
或半錢匕以糯米少許研細入薄荷汁蜜各少許同
煎為飲候溫調下空心日午臨臥各一服

治吐血五通散方

巴豆

伍拾枚
去皮

白麩

壹兩

郁李人

參佰伍
拾枚

鹽豉

參佰伍
拾粒

伏龍肝

貳兩

右五味鍋子內炒熟不住手攪以煙青為度傾出放

濕地出火毒搗羅為散每服半錢匕溫蜜水調下如
患咯血用前件藥末一兩鄆州蛤粉二兩同研羅細
每服一錢匕薤汁半盞生油兩點食後調服
治吐血及一切血病諸藥不効者烏金散方

黃明膠 犀角 鱧魚皮 獨角仙 胎髮 赤鯉魚皮

各壹兩 壹兩 壹兩 壹兩 壹兩 壹兩

右六味用瓦藏瓶一枚底下開竅內藥以紙筋塗固
濟暴乾用炭五斤簇燒纔候煙絕撥去火放冷取出
細研為散每服一錢匕旋入膩粉少許吐血鼻衄不
止新汲水調下產後血運昏迷悶亂不知人冷醋湯

下血氣溫酒調下咯血及血積藏毒下血赤白痢血
痢蠱毒痢腸風及五痔下血並米飲調下臨臥空腹
服更相度虛實可加至二錢匕服藥後取下積聚物
為効

治男子婦人咯血吐血阿膠散方

阿膠炒令燥 白及 白芷

白欬 黃蘗去麤皮蜜水浸 炙赤色各壹兩

右五味搗羅為散每服三錢匕糯米粥飲調下空心
食前日三小兒量減

治飲食傷肺吐血并嗽血五勝湯方

木香 蜜陀僧

蟬殼 去足

甘草 炙剉各半兩

黃明牛膠 兩片將壹片酥炙壹片生剉

右五味麤搗篩每服三錢七水一盞煎至五分去滓

食後良久溫服

治吐血黃耆散方

黃耆 剉 白及 白欬

黃明膠 炒令燥各貳兩

右四味搗羅為散每服二錢七糯米飲調下

治吐血綠雲散方

柏葉 百合 人參

阿膠 炙令燥各貳兩

右四味搗羅為散每服二錢七用糯米粥飲調下

治吐血神效金朱丸方

丹砂 兩半 金薄 肆片 蚯蚓 條參

右三味先將丹砂金薄研細後將蚯蚓同研和前二

味為丸如小皂子大每服一丸冷酒下不嚼

治吐血咯血神効散方

鹿角膠 炙令燥 黃蘗 去麤皮各半兩 杏人 肆拾枚湯去皮尖麩炒

右三味搗羅為散每服一錢七用白麵一錢溫水同

調下食後再服

治吐血金粉湯方

熟乾地黄焙

蒲黃各壹兩

芎藭半兩

右三味麤搗篩每服三錢匕水一盞半入糯米十四

粒同煎至七分去滓溫服

治吐血咯血綿灰散方

新綿壹兩燒灰

黃明膠炙令燥

黃蘗去麤皮蜜炙為末各壹兩

右三味細研每服一錢匕地黄汁糯米飲相和調下

食後臨臥服

治吐血咯血金沙湯方

紫金沙野蜂窠帶是爭兩

貝母去心貳錢生用

盧會壹兩

右三味麤搗篩每服二錢匕水半盞入蜜少許煎一

兩沸去滓細呷空心食後臨臥服

治吐血熱極聚參散方

紫參

阿膠炒燥各貳兩

甘草炙剉壹兩

右三味搗羅為散每服二錢匕溫糯米飲調下不計

時候

治吐血杏蜜膏方

豬脰甞具用甞器煮爛冷水浸去膜

杏人去皮尖雙入炒

蜜熬熟壹兩

右三味同研飯上蒸入木香附子末各二錢和勻成膏每服半匙酒一盞調下日三

治吐血藕汁散方

白茯苓去黑皮

生乾地黄焙

蒲黃

右三味等分搗羅為細散每服二錢匕生藕汁半盞調勻頓服立止

治吐血獨聖散方

晚桑葉微焙不計多少

右一味搗羅為細散每服三錢匕冷臘茶調如膏入

麝香少許夜卧含化嚙津只一服止後用補肺藥

治吐血補肺煮肺散方

杏仁壹伯貳拾粒去皮尖新瓦上焙研

百合肆兩

糯米壹合

葱白參莖並同杏人法

右四味和勻豬肺一具入藥在內麻線繫沙鍋內煮水去一半翻轉令熟竹片切葱藥細嚼蜜湯下服至

五具為度

治暴吐血嗽血貫衆散方

貫衆壹兩

黃連去須年老者半兩少年少者參分

右二味搗羅為細散每服二錢匕濃煎糯米飲調下

立止

治吐血雲雪散方

雲雪寒食是

蒲黃各壹兩

右二味並生用研勻每服二錢匕冷水調下

治吐血香草湯方

莎草根去毛伍兩

甘草壹兩剉炙

右二味麤搗篩每服二錢匕水一盞煎取七分去滓

溫服

治吐血鹿角膠丸方

鹿角膠炙令燥

黃蘗去麤皮各壹兩

右二味搗羅爲末入杏人四十九枚湯浸去皮尖雙

人炒黃研細拌勻鍊蜜和丸如櫻桃大每服一丸含

化嚥津

治諸般吐血朱粉散方

丹砂研飛

蛤粉

右二味等分研細合和令勻每服二錢匕溫酒調下

治吐血黃蘗散方

黃蘗子

防已

右二味等分搗羅爲散每服一錢匕煎小麥湯調下

吐甚者一服減二服定

治吐血異功散方

人參壹兩

右一味擣羅為散以密絹再羅令極細五更雞鳴時打雞子清調如稀糊匙抄服若服一兩人參盡甚好不盡半兩亦可服訖却臥

治吐血槲葉散方

槲葉不拘多少

右一味擣羅為散每服二錢匕水一盞煎五七沸和滓溫不拘時候

治肺損吐血糯米飲方

薜荔

右一味每一二十葉用紙貼放著肉處至乾切不可熬收貼起如有患旋碾雜作細末每服先研糯米濃飲煎若煎餅麩稀稠可入分一盞抄藥末一匙頭同攪調勻臨臥溫服

治吐血咯血青金散方

荷葉不拘多少

右一味焙乾擣羅為散米飲調下二錢匕

治吐血黑神散方

枯樓取端正者紙筋和泥通裹於頂間留壹眼子煨存性地坑內合壹宿

右一味去泥搗羅為散每服三錢匕糯米飲調下再

服止

治吐血艾灰散方

艾不拘多少

右一味燒灰細研每服二錢匕新汲水調下

治忽吐血一兩口地黄飲方

生乾地黄焙伍兩

王不留行

牡丹皮

各貳兩

赤芍藥

萹薺各肆兩

麥門冬

去心焙

續斷

牛膝切焙

阿膠

炙燥各兩

蟾蜍研伍枚

再

右一十味除蟾蜍外麤搗篩以生地黄汁三升赤馬通汁三升并蟾蜍同煎至三升半去滓分溫六服空心食前

治吐血衄血大小便出血竹葉芍藥湯方

竹葉陸合

赤芍藥

甘草

炙剉各壹兩

阿膠炙燥參兩

當歸切焙壹兩半

右五味麤搗篩每服五錢匕水一盞半煎至八分去

滓溫服食後日二服

治心肺熱極喘滿吐血地黄飲方

地黄汁

生藕汁

小薊根汁

牛蒡汁各壹

生薑

生薑汁各壹

右六味和勻徐徐呷之以差為度

治吐血唾血赤芍藥散方

赤芍藥

當歸切

附子炮裂去皮臍

黃芩去黑心

白朮

甘草炙到各壹兩

阿膠炙燥

生乾地黄焙乾

右八味搗羅為散每服三錢匕空腹溫酒調下日三

服

治肺損吐血綿膠散方

新綿燒灰

黃明膠炙燥

新綿燒灰

右二味等分研勻每服一錢匕臨卧糯米飲調下

治吐血溺血衄血竹筴湯方

青竹筴剉壹升

芍藥貳兩

芎藭

當歸切

桂去麤皮

甘草炙到各參兩

黃芩去黑心

右七味廩搗篩每服三錢匕水一盞煎至八分去滓

溫服不拘時

治吐血及大小便血三物湯方

生地黄柒兩

阿膠炙令燥

白欬捌兩

右三味咬咀如麻豆每服七錢匕水一盞煎至八分

去滓空腹溫服

治吐血方

蛇蛻燒灰

右一味研細每服一錢匕冷熱水調下不拘時候

治吐血天南星散方

天南星壹兩剉如散子大

右以炭灰汁浸一宿漉出湯洗焙乾搗羅為散每服

一錢匕酒磨自然銅調下

治肺損吐血不止地黃飲方

生地黄剉兩研取汁 鹿角膠壹兩炙燥碾為末

右二味先以童子小便五合於銅器中煎次下地黃

汁及膠末打令勻煎令鎔寸沸後分作三服當止

又方

地黃汁陸合 牛皮膠壹兩細切 生薑壹塊如大指碎

右三味先以二味於銅器中煎十數沸次下牛皮膠

煎令消瀘去生薑分作兩服喫便止或微轉一行不

妨

又方

白訶梨勒生為末 白麩炒

又右二味等分每服二錢匕糯米粥調下

又方二
白藥四兩燒存性以蓋蓋地上出火毒為末每服三錢匕糯米飲調下

吐血不止

論曰藏真高於肺而主氣藏真通於心而主血藏真散於肝而藏血是三者或因愁憂思慮與夫恚怒氣逆傷之則氣亂而血妄行下入於胃胃受之則滿脹其氣衝貴於上故吐血不止也

治吐血不止極者大効聖散方

金星石

銀星石

禹餘糧

寒水石

以上並碎

不灰木

半夏

湯洗柒偏去滑生薑汁製

焙

大黃

蛤粉

右八味等分搗羅為散每服一錢匕新汲水調更入

龍腦少許佳兼解五毒

治吐血不止阿膠散方

阿膠

炒令燥半兩

生乾地黄

焙壹兩

人參

壹分

黃蘗

去麤皮蜜炙

蟬殼

去土

甘草

生剉

黃耆

剉各半兩

右七味搗羅為散每服一錢匕糯米飲調下不拘時

候服

治吐血不止

芎根

人參

白堊

蛤粉各壹分

右四味搗羅為散每服一錢匕糯米飲調下不拘時

候

治吐血不止金花散方

黃蘗

去麤皮塗蜜炙令赤貳兩

寒食麩微炒壹兩

黃明膠

炙令燥壹兩

右三味搗羅為散每服三錢匕冷熱水調下食後臨

臥服

治吐血不止鼈甲散方

鼈甲

壹兩剉作片子

蛤粉

壹兩鼈甲相和於鈹內炒香黃色

熟乾地黄

壹兩半暴乾

右三味搗為細散每服二錢匕食後臘茶清調下服

藥訖可睡少時

治吐血不止鬱金散方

鬱金

壹兩

蓮實

去皮

黃耆

剉各壹分

右三味搗羅為散每服一錢匕冷水調下不計時候

服

治吐血不止二黃湯方

生乾地黄焙 蒲黃各壹

右二味麤搗篩每服二錢匕水一盞入竹葉七片煎七分去滓放冷細呷食後

治吐血不止調胃散方

紫背荷葉焙半兩 黃耆剉壹分

右二味搗羅為細散每服一錢匕生薑蜜水調下不拘時候

治吐血咯血不止白欬湯方

白欬參兩 阿膠貳兩炙令燥

右二味麤搗篩每服二錢匕酒水共一盞入生地黃

汁二合同煎至七分去滓食後溫服如無地黄汁入生乾地黄一分同煎亦得

治吐血肺損不止白金散方

白麩八兩 九節菖蒲末各壹兩

右二味再研勻每服二錢匕新汲水調下未止再服如中暑毒氣生薑蜜水調下

治吐血似鵝鴨肝晝夜不止生犀散方

犀角貳兩鎊屑生用 桔梗貳兩生用

右二味搗羅為散煖酒調下二錢匕

治吐血成塊不止若葉散方

若葉半兩 楓香脂壹兩

右二味研為散每服一錢匕煎黃牛皮湯調下不計

時候服

治吐血不止人參散方不吐止風

人參壹分 天茄子苗兩半

右二味搗羅為散每服二錢匕新水調下不拘時

治血妄行入胃吐血不止黃耆散方

黃耆半兩 五靈脂兩壹

右二味搗羅為散每服二錢匕新汲水調下不拘時

治吐血不止黃藥湯方

黃藥子萬州者壹兩

右一味搗碎用水二盞煎至一盞去滓溫熱服

治吐血不止槐香散方

槐花不拘多

右一味火燒存性研細入麝香少許每服三錢匕溫

糯米飲調下立効

治吐血不止方

黃櫨木不拘多

右一味麝搗篩每服三錢匕以水一盞煎至六分去

滓溫服

治吐血不止如聖散方

右用上色白瓷碗樸椎碎搗羅為細末打皂莢子人煎湯調下二錢匕連三服立愈

治暴吐血不止人參散方

人參

右一味為散每服三錢匕用雞子清投新汲水半盞

調下

治吐血不定茜草飲方

茜草

壹兩生用

右一味麤搗篩每服三錢匕水一盞煎至七分去滓

放冷服食後

治吐血不止如聖散方

楓香脂

不拘多少

右一味細研為散每服二錢匕新汲水調下不計時

候

治吐血不止蛛絲散方

大蜘蛛網

壹大塊

右一味於銚中炒令黃色研為散以溫酒調下立止

治吐血不止欬嗽補肺百花煎方

生地黄汁

壹升

生薑汁

半升

黃牛乳

壹升

藕汁壹升 胡桃貳枚 乾柿伍枚 研如糊

大棗貳拾壹枚 煮去皮核 研如糊 清酒壹升 以上壹處入銀鍋中

煎候沸方下後藥 黃明膠炙燥為末 秦艽末各半

杏仁湯浸去皮尖雙入炒 研如糊入煎中參兩

右十一味相次下煎減一半却入上色蜜四兩徐

徐著火養成煎後入瓷合中盛每日三度服每服一

匙頭糯米飲調下酒下亦得

治吐不止紅藍花飲方

紅藍花貳兩 伏龍肝參兩以水伍升伍合浸濾取汁

犀角銹壹分 甜竹筍參分 白茅根剉

麥門冬去心剉各半兩

右六味將伏龍肝汁煎諸藥取六合去滓食後分三

服每服更入亂髮灰一錢匕和勻服

治卒吐血不止阿膠湯方

阿膠炙燥 艾葉焙各參兩 地榆

芍藥各肆兩 薊根伍兩

右五味麤擣篩每服五錢匕水一盞半煎至八分去

滓溫服

治心肺蘊熱或悲怒氣逆使血妄行日夕不止土馬驥

湯方

土馬膠焙乾 枳實去穢炒 白茯苓去黑皮

秦艸去苗 甘草炙 苈胡去苗

人參 生乾地黄焙各壹兩

右八味麤搗篩每服三錢匕水一盞煎至七分去滓

食後溫服

治吐血不止方

生地黄汁

右一味和生蜜每服半盞不拘時候

大德重校聖濟總錄卷第六十八

